



ТОШКЕНТ ОҚШОМИ

Газета 1966 йил
1 июлдан
чиқа бошлаган

ШАҲАР ИЖТИМОЙ-СИЁСІЙ КУНДАЛИК ГАЗЕТАСИ

№ 88 (12.901)

Баҳоси эркин нарҳда

ИСЛОМ КАРИМОВ ЎЗБЕКИСТОН РЕСПУБЛИКАСИ ПРЕЗИДЕНТИ ЭТИБ САЙЛАНГАНИ МУНОСАБАТИ БИЛАН ҚУТЛОВЛАР

Мамлакатимизда 2015 йил 29 март кун
бўлиб ўтган сайловда Ислам Каримов
Ўзбекистон Республикаси Президенти этиб
сайлангани муносабати билан хорижий
давлатлар ва ҳукуматлар, халқаро
ташкilotлар ва етакчи компаниялар
раҳбарлари, хорижий мамлакатларнинг
таниқли жамоат арбоблари номидан
самимий тилаклар билдирилган қутловлар
келиши давом этмоқда.

Жумладан:
Эрон Ислам Республикаси Президенти —
Ҳасан Рухоний

Бруней-Доруссалом Султони —
Ҳожи Ҳасанал Болкиях Муиззадин Ваъдауллох
Молдова Республикаси Президенти —
Николай Тимофти

Япония «Сока Гаккай Интернешнл» будда ташкilotи
президенти — **Дайсаку Икеда**

«Корея газ корпорацияси» президенти ва бош ижрочи
директори — **Жонг Хо Ли**

«Лотте Груп» раиси — **Донг Бин Шин**

«Самсунг Электроникс» компанияси президенти —
Сан Жин Пак

«Хитой миллий нефть-газ корпорацияси» директорлар
кенгаши раиси — **Чжоу Цзинпин**

«Поли Текноложии Инк.» компанияси президенти —
Ван Лин

«Хуавей Текноложии Ко.Лтд» компанияси президенти —
Жан Чжэнфэй

«Сасол Лимитед» президенти ва бош ижрочи директори
— **Дэвид Констебл**

табрик йўллаган.

Қутловлар келиши давом этмоқда.

ПОЙТАХТНИНГ БИР КУНИ

Тадбиркорлик
субъектлари ва
хунармандларни
рағбатлантириш
мақсадида
ташкilot
қилинган
«Ташаббус —
2015» кўрик-
танловининг
туман
босқичлари
давом этмоқда.



«Ташаббус — 2015»

ТАДБИРКОРЛИККА — КЕНГ ЙЎЛ

Кеча Олмазор, Сергели ва Шайхонтохур ту-
манларида танловнинг дастлабки босқичлари
ўтказилиб, ғолиблар аниқланди. Унда кўплаб
корхона ва хунармандлар ўзларининг маҳсулот
ва санъат асарлари билан иштирок этишди. Тад-
бирларда сўзга чиққанлар мамлакатимизда ху-
сусий тадбиркорлик ва кичик бизнеснинг жа-
дал ривожланаётгани, иқтисодийтимизда ху-
сусий секторнинг улуши ошганлиги, қувонарли то-
мони, ёшларнинг тадбиркорликка қизиқиши ор-
таётгани ва уларнинг давлатимиз томонидан
қўллаб-қувватланаётганини таъкидлаб ўтдилар.
Дарҳақиқат, йилдан йилга тадбиркорларимиз то-
монидан ишлаб чиқарилаётган рақобатбардош
ва жаҳон стандартларига жавоб берадиган маҳ-
сулотларнинг йилдан йилга кўпайиб бораётган-
лигини алоҳида эътироф этиш лозим.

Танловнинг жорий йилги босқичларига «Энг
яхши экспортчи», «Кекса тадбиркор — ташаб-
бус эъзозиди», «Энг маъсулиятли ижтимоий ше-
рик», «Озик-овқат саноатидаги энг яхши йил
тадбиркори» номинациялари киритилди.

— «Ташаббус»да иштирок этишни истовчи

тадбиркор ва хунармандларимиз сони йилдан
йилга ортиб бормоқда, — дейди Ўзбекистон
Савдо-саноат палатаси Тошкент шаҳар худу-
дий бошқармаси жамоатчилик кенгашининг
масъул котиби Ҳасан Мадалиев. — Мазкур танлов
юртимизда тадбиркорлик ва хунармандчиликни
ривожлантириш, ташаббускор соҳа вакиллари-
ни ҳар томонлама қўллаб-қувватлаш, уларга эзгу
интилишларини амалга оширишда қўмаклашиш
борасида муҳим аҳамият касб этмоқда.

Шайхонтохур туманида «Йилнинг энг яхши тад-
биркори» номинациясида ғолибликни спорт маҳ-
сулотларини ишлаб чиқаришга ихтисослашган
«AZIA SPORT-S» масъулияти чекланган жамияти
қўлга киритди.

— Илгарилари спорт маҳсулотлари чет элдан
келтириларди ва бу анча қimmatга тушарди, —
дейди корхона раҳбари Саидхамд Камолов. —
Эндиликда шундай сифатли маҳсулотлар ўзимиз-
да ишлаб чиқарилмоқда. Улар сифат жиҳатдан
чет элникидан қолшмайди, шу ерда ишлаб чиқа-
рилганлиги учун нархи ҳам арзон.

(Давоми 2-бетда)



МАМЛАКАТИМИЗДА

● Тайлоқ педагогика касб-хунар
коллежида «Ёш чегарачилар» рес-
публика ҳарбий-ватанпарварлик
мусобақасининг Самарқанд вилоя-
ти босқичи бўлиб ўтди.

● Хоразмда ўрта махсус, касб-
хунар таълими муассасалари ўқув-
чилари ўртасида «Сиз қонунни би-
ласизми?» республика кўрик-тан-
ловининг вилоят босқичи бўлиб
ўтди.

● Самарқандда Ўзбекистон Каса-
ба уюшмалари федерацияси кен-
гаши ва унинг вилоят бирлашмаси
ташаббуси билан «Кексаларини
эъзозлаган юрт» номли маданий-
маърифий тадбир ўтказилди.

● Ўзбекистон Республикаси Халқ
таълими вазирлиги томонидан
Тошкент вилоятининг Чирчиқ шаҳ-
ридаги 7-болалар мусиқа ва санъат
мактабида оммавий ахборот во-
ситалари ходимлари учун медиа-
тур бўлиб ўтди.

● Ўзбекистон мобиль алоқаси
миллий оператори — UZMOBILE
Тошкент шаҳри ва Тошкент вилоя-
тида UZMOBILE GSM тармоғини
тижоратли фойдаланиш учун ишга
туширди. Тошкент шаҳри, Чирчиқ,
Бекобод ва Олмалик туманларида
UZMOBILE GSM тармоғининг 2G/
3G (GSM/WCDMA) алоқа стандарт-
ларини қўллаган ҳолда расмий
ишга туширилиши видеоконфе-
ренсалоқа сеанси воситасида
ўтказилди.



● Жорий йилда бир баррель
нефть нархи 60 АҚШ доллари ат-
рофида қолади. Келаси йилда эса
унинг баҳоси 70 долларгача кўта-
рилиши мумкин. Жаҳон савдо таш-
кilotининг иқтисодий тадқиқотлар
ва статистика бошқармаси иқти-
содчеси Калеман Ни шундай фикр
билдирди. Демак, «қора олтин»нинг
қиймати 100 доллардан ошади,
деган тахминлар ҳақиқатдан йироқ.

● Сизтдан Лос-Анжелесга пар-
возни амалга ошираётган АҚШнинг
«Alaska Airlines» авиакомпанияси-
га қарашли «Boeing 737» самолё-
ти аэропортга қайтишга мажбур
бўлди. Хаво лайнери юкхонасида
тақиллаган овоз эшитила бошла-
гани сабабли унинг капитани хав-
фсизлик нуктаи назаридан шундай
қарор қабул қилган. Маълум бўли-
шича, самолётнинг юк бўлмасида
аэропорт ходимларидан бири ух-
лаб қолган экан.

● Жорий йил охирига бориб япо-
ниялик денгизчиларга Антарктида-
дан китларни овлашга қайтадан
рухсат берилиши мумкин. Ўшан-
гача «Кунчиқар юрт» ҳукумати ха-
лқаро ҳамжамиятни бу турдаги жо-
ниворлар бошқа бир жойда — Тинч
океанининг жанубий қисмида кўпа-
яётгани, шу туфайли овчиларга
рухсат бериш китларнинг камайиб
кетишига олиб келмаслигига
ишонтирмоқчи. Ушбу мамлакатда
бу турдаги жониворларни овлаш
ўтган йили тақиқлаб қўйилган эди.

Олий Мажлис Қонунчилик палатасида

ДОЛЗАРБ ҚОНУН ЛОЙИХАЛАРИ КЎРИБ ЧИҚИЛДИ

15 апрель куни **Ўзбекистон Республикаси Олий Мажлиси**
Қонунчилик палатасининг навбатдаги мажлиси бўлиб ўтди.

Депутатлар ижтимоий-иқтисодий со-
ҳани янада такомиллаштиришга, халқа-
ро алоқаларни мустаҳкамлашга қаратил-
ган бир қатор қонун лойиҳаларини кўриб
чиқдилар.

Парламент аъзолари ўз ишларини
Ўзбекистон Республикаси Вазирлар Маҳ-
камаси томонидан қонунчилик ташаббу-
си тартибидан Қонунчилик палатасига ки-
ритилган янги тахрирдаги «Электрон ти-
жорат тўғрисида»ги қонун лойиҳасини
иккинчи ўқишда муҳокама қилишдан
бошладилар.

Мазкур қонун лойиҳасини Вазирлар
Маҳкамасининг мамлакатимизда 2013
йилда ижтимоий-иқтисодий ривожлан-
тириш якуналари ва 2014 йилга мўлжал-
ланган иқтисодий дастурнинг энг муҳим
устувор йўналишларига бағишланган
мажлисида белгиланган вазифалар
доирасида ишлаб чиқилганлиги таъкидлаб
ўтилди.

Қонун лойиҳасини тайёрлаш жараё-
нида Ахборот ва коммуникация техноло-
гиялари масалалари қўмитаси ҳузурида
тузилган ишчи гуруҳи томонидан наза-
рийётчи олимлар, юқори малакали мута-
хассис ва экспертлар иштирокида
10 дан ортиқ тадбирлар, жамоатчилик
муҳокамалари ўтказилди. Бундан таш-
қари, қонун лойиҳасининг матни Қону-
нчилик палатасининг расмий веб-сайти-
да ҳамда «portal.uz» юридик-ахборот
порталида жойлаштирилиб, экспертлар-
нинг, жамоатчиликнинг таклиф ва фикр-
мулоҳазалари олинди. Қонун лойиҳаси
келиб тушган таклифлар асосида янада
маромига етказилиб, такомиллаштирил-
ди, ҳаёндаги ривожланган мамлакат-
ларнинг қонунчилик йўли билан тартиб-
га солишга доир ижобий тажрибаси
ўрганилди.

Таъкидландики, ҳозирги вақтда Ўзе-
бекистон Республикасида давлат органла-
ри ва ҳўжалик юритувчи субъектлар
фаолиятига, шунингдек, фуқароларнинг
қўндалик турмушига ахборот технология-
ларини кенг жорий этишга катта эъти-
бор қаратилмоқда. Хусусан, банк хиз-
матлари, электрон тўловларнинг янги
турларини ҳаётга татбиқ этиш орқали
тўлов амалиётининг янада соддалашу-
вига эришилапти.

Қабул қилинаётган қонун лойиҳаси
тадбиркорликни ривожлантириш ва
ишбилармонлик муҳитини яхшилаш
учун қўшимча шароитлар яратиш
имконини беради, электрон тижоратни
янада ривожлантиришга, электрон сав-
дода замонавий ахборот-коммуникация
технологияларини жорий этишга, би-
тимларни тузиш тартиб-таомилларини
соддалаштиришга, электрон тижорат
иштирокчилари ҳуқуқларини рўёбга чи-
қаришнинг ҳуқуқий механизмларини
ўрнатиш ва химоя қилишга хизмат
қилади.

Мазкур ҳуқуқий ҳужжатнинг муҳокама-
си мутахассислар, тадбиркорлар, олим-
лар ва жамоатчиликнинг фикрлари ино-
батга олинган ҳолда қизикарли ҳамда
эркин мунозара руҳида ўтди.

Моддама-модда муҳокамадан сўнг
масъул қўмитага қонун лойиҳасининг
айрим нормаларини маромига етказиш
ва уни депутатлар учинчи ўқишда
кўриб чиқишлари учун киритиш топши-
рилди.

Депутатлар, шунингдек, бир қатор
халқаро ҳужжатларни ратификация
қилиш тўғрисидаги қонун лойиҳаларини
ҳамда Қонунчилик палатаси ваколатига
тааллуқли бошқа масалаларни ҳам му-
ҳокама қилдилар.

Ўзбекистон Республикаси Олий Мажлиси ҳузуридаги
Нодавлат нотижорат ташкilotларини ва фуқаролик
жамиятининг бошқа институтларини қўллаб-қувватлаш
жамоат фонди маблағларини бошқариш бўйича
Парламент комиссиясининг йиғилиши бўлиб ўтди.

ПАРЛАМЕНТ КОМИССИЯСИНING ЙИГИЛИШИ ЎТКАЗИЛДИ

Унда Парламент комиссияси иш
фаолияти билан боғлиқ бир қанча, жум-
ладан, 2015 йилда давлат грантлари,
субсидиялар ва ижтимоий буюртмалар
учун давлат бюджетидан ажратилган
мблағларни тақсимлаш, «Ижтимоий
шериклик тўғрисида»ги Ўзбекистон
Республикаси қонуни қабул қилиниши
муносабати билан зарур ташкилий ва
усулбий ҳужжатлар лойиҳаларини
такомиллаштириш ҳамда Парламент
комиссиясининг 2015 йил ва ундан
кейинги йилларга мўлжалланган фао-
лият режасини ишлаб чиқиш ва бошқа
масалалар кўриб чиқилди.

Эслатиб ўтамиз, Парламент комис-
сияси Ўзбекистон Республикаси Олий
Мажлиси палаталарининг 2008 йил 3
июлдаги «Нодавлат нотижорат ташки-
лотларини, фуқаролик жамиятининг
бошқа институтларини қўллаб-қувват-
лашни кучайтириш чора-тадбирлари
тўғрисида»ги қўшма қарори асосида ту-
зилган бўлиб, унинг асосий мақсади
нодавлат нотижорат ташкilotлари, фу-
қаролик жамиятининг бошқа институ-
тларини янада ривожлантириш, улар-
нинг мамлакатда амалга оширилаётган
демократик ўзгаришларда фаол ишти-
рокини таъминлаш, молиялаштириш
манбаларини шакллантиришда очик-
лик, ошқоралик принципларига амал
қилган ҳолда маблағларни мақсадли
тақсимлашдан иборатдир.

Йиғилишда қайд этилганидек, «Куч-
ли давлатдан — кучли фуқаролик жа-
мияти сари» тамойилининг изчиллик
билан ҳаётга татбиқ этилаётгани жа-
миятимизда демократик ислохотлар-

ни янада чуқурлаштириш, фуқаролик
жамияти институтларининг ўрни ва
ролини юксалтиришда муҳим омил
бўлмоқда. Бу борадаги сазй-ҳаракат-
ларда Ўзбекистон Республикаси
Конституцияси, «Нодавлат нотижорат
ташкilotлари фаолиятининг кафолат-
лари тўғрисида»ги, «Ижтимоий шерик-
лик тўғрисида»ги қонунлар ҳамда Олий
Мажлис палаталарининг 2008 йил
3 июлдаги «Нодавлат нотижорат таш-
кilotларини, фуқаролик жамиятининг
бошқа институтларини қўллаб-қувват-
лашни кучайтириш чора-тадбирлари
тўғрисида»ги қўшма қарорлари муҳим
дастуруламал бўлаётгани эътироф
этилди.

Таъкидлаш лозим, ўтган давр мо-
байнида ННТ, ОАВ ва фуқаролик жа-
миятининг бошқа институтларига аж-
ратилган маблағлар улар фаолияти-
нинг янада ривожланишига, ташкилий-
техникавий ва иқтисодий негизини
мустаҳкамлашга самарали таъсир
кўрсатиб, сезиларли даражада улар-
нинг сони ва сифати ошишига хизмат
қилди. Амалга оширилаётган ислохот-
лар самарасида бугунги кунда мамла-
катимизда 8 мингдан ортиқ нодавлат
нотижорат ташкilotлари, мингдан
ортиқ оммавий ахборот воситалари
фаолият юритмоқда.

Йиғилиш якунида кўриб чиқилган ма-
салалар юзасидан Парламент комис-
сиясининг тегишли қарори қабул
қилинди.

Ўзбекистон Республикаси
Олий Мажлиси Қонунчилик
палатаси Ахборот хизмати



«Ўзэкспомарказ» павильонларида «Соғлиқни сақлаш – TИHE 2015», «Фармацевтика саноати – AptekaExpo Central Asia 2015» ҳамда «Стоматология – Stomatology Uzbekistan 2015» халқаро кўргазмалари очилди.



Тадбирлар Ўзбекистон Республикаси Соғлиқни сақлаш, Ташқи иқтисодий алоқалар, инвестициялар ва савдо вазирликлари, Савдо-саноат палатаси, «Ўзфармсаноат» давлат акциядорлик концерни, «Ўзтиб-техника» масъулияти чекланган жамияти, Стоматологиялар уюшмаси ва «ITE Uzbekistan» халқаро кўргазма компанияси ҳамкорлигида ташкил этилди.

Ўзбекистон Республикаси соғлиқни сақлаш вазири А.Алимов ва бошқалар мамлакатимизда замонавий тиббиёт тизими барпо этилиб, соҳа замонавий тиббий жиҳоз ва технологиялар билан таъминланаётгани аҳоли саломатлигини мустаҳкамлашда муҳим омил бўлаётганини алоҳида таъкидлади.

Президентимиз Ислам Каримов раҳнамолигида амалга оширилган ислохотлар натижасида аҳолининг барча қатламлари малакали тиббий хизмат билан қамраб олинди. Скрининг марказлари, тур-руқ мажмуалари, вилоятлар кўп тармоқли шифоналари, ихтисослаштирилган тиббиёт муассасалари халқимизнинг соғлом ҳаёт кечиришини таъминламоқда.

2014 йилда 133 тиббиёт муассасаси янгидан қурилди ва реконструкция қилинди.

Гулистон шаҳридаги вилоят онкология диспансери, Тошкент шаҳридаги Республика ихтисослаштирилган педиатрия илмий-амалий маркази, Андижон кўп тармоқли вилоят тиббиёт маркази, Нукус шаҳридаги силга қарши кураш диспансери шулар жумласидандир. Корея Республикаси билан ҳамкорликда энг юқори технологиялар асосидаги тиббиёт асбоб-ускуналари билан жиҳозланган кўптармоқли замонавий болалар тиббиёт маркази барпо этилмоқда.

«Кексаларни эъзозлаш йили» Давлат дастури доирасида кекса авлод вакиллари, хусусан, 1941-1945 йиллардаги уруш ва меҳнат fronti фахрийларининг саломатлигини мустаҳкамлаш, уларга кўрсатиладиган тиббий ва ижтимоий хизматлар сифатини янада ошириш, зарур дори-дармон ва тиббий воситалар билан таъминлаш бўйича аниқ чора-тадбирлар амалга оширилмоқда.

Анъанавий тарзда ўтказиб келинаётган «Ўзбекистон соғлиқни сақлаш ҳафталиги» доирасидаги ушбу кўргазмалар тиббий-илмий янгиликлар ва ишланмалар билан бевосита танишиш, соҳа мутахассисларининг ўзаро ахборот ва тажриба алмашишини таъминлаш орқали соғлиқни сақлаш тизимини янада ривожлантириш, халқаро ҳамкорлиқни кенгайтиришга катта ҳисса қўшмоқда.

Бу гал кўргазмаларда Ўзбекистон, АКШ, Хитой, Франция, Буюк Британия, Германия, Италия, Бела-

рус, Финляндия, Бельгия, Жанубий Корея, Хиндистон, Нидерландия, Россия, Польша, Чехия, Туркия ва Швейцария каби йигирма мамлакатдан бир юз олти мишга яқин корхона ва ташкилот ўз маҳсулотлари ва хизматлари билан иштирок этмоқда. Улар орасида тиббий ускуналар ишлаб чиқариш ва етказиб бериш бўйича жаҳоннинг етакчи компаниялари, жумладан, «Toshiba», «Philips», «Samsung Medison», «GE Healthcare», «Draeger», «Carefusion», «Chison» каби муассасалар бор.

Кўргазмалардан турли хилдаги замонавий тиббий технологиялар, ультратовуш, рентген аппаратлари,

монлар билан таъминлаш, соҳанинг экспорт салоҳиятини янада юксалтириш борасида муайян ишлар амалга оширилмоқда. Бунинг самарасида фармацевтика корхоналари сафи тобора кенгайиб бораётди.

Дори воситалари ишлаб чиқариш бўйича мамлакатимизнинг етакчи муассасаларидан бири – «Nobel Pharmaceuticals» компанияси стенди атрофи иштирокчилар билан гавжум.

Мамлакатимизда фармацевтика ривожига қаратилган улкан эътибор компаниямизнинг муваффақиятли фаолият юритишида муҳим омил бўлмоқда, – дейди мазкур компания маркетинг департаменти директори Александр Яценко. – Ишлаб чиқаришда юртимиздаги тармоқ корхоналари билан фаол ва самарали ҳамкорлик қилиб келямиз. Юқори сифатли маҳсулотларимиз хорижий давлатларга ҳам экспорт қилинмоқда. Ушбу кўргазмаларда мунтазам иштирок этиб, янги ишланма ва маҳсулотларимизни намойиш қиламиз. Бу савдо ҳажминини ошириш, ҳамкорларимиз сафини янада кенгайтиришда кўл келаётди.

Ўзбекистонда тиббиётнинг барча йўналишлари қатори стоматология соҳаси ҳам жадал ривожланмоқда. Соҳа клиникалари замонавий тиббий ускуналар билан жиҳозланмоқда. Халқаро тажриба асосида тахсис қўйиш ва даволашнинг самарали усуллари амалиётга татбиқ этилаётди.

Давлатимиз раҳбарининг 2014 йил 22 июлдаги «Тошкент давлат стоматология институтини ташкил этиш тўғрисида»ги Қарори бу борадаги тиббий таълим сифатини янада ошириш, етук мутахассислар тайёрлашга хизмат қилаётди.

Кўргазмада туртинчи бор қатнашмоқдамиз, – дейди Швейцариянинг «Alfeth Engineering» компанияси вакили Игорь Пасичук. – Стоматология ускуналарини намойиш этяпмиз. Ўзбекистонда тиббиёт соҳаси изчил ривожланиб бормоқда. Бу кўргазмаларга қўйилган, Ўзбекистонда ишлаб чиқарилаётган маҳсулотлар ассортиментининг бойлигида ҳам яққол намоён. Мамлакатимиз билан ўзаро ҳамкорликни янада кенгайтириш истагидамиз.

Халқаро кўргазмалар мамлакатимиз ва жаҳон соғлиқни сақлаш тизимида кўлга киритилаётган улкан ютуқларни намойиш этиши билан аҳамиятлидир. Бу фармацевтика, стоматология ва тиббиёт туризмни янада раванг топтириш, соҳадаги талаб ва тақлифларни ўрғаниш, мамлакатимизга хориж сармоясини жалб этиш, халқаро ҳамкорлиқни кенгайтиришга хизмат қилади.

Кўргазмалар доирасида анестезиология ва ультратовуш тахсиси, стоматологиянинг долзарб масалаларига оид халқаро анжуманлар ўтказилади.

Ирода УМАРОВА,
ЎЗА мухбири
Ислам Исмоилов олган суратлар

Халқаро кўргазмалар

ЗАМОНАВИЙ ТИББИЁТ ЮТУҚЛАРИ НАМОЙИШИ

физioterапевтик ва кардиологик жиҳозлар, стоматология, имплантология ва жарроҳлик асбоб-анжомлари, диагностика ва лаборатория жиҳозлари, дезинфекция, санитария-гигиена ва реабилитация воситалари, тренажёрлар, тиббиёт кийимлари ва ортопедик маҳсулотлар, тиббий мебеллар, дори-дармонлар, дорионалар учун ускуналар, қадоқлаш воситалари, шифобахш пардоз воситалари кенг ўрин олган.

Тиббиёт соҳасини кенг қамраб олган мазкур халқаро кўргазмаларда илк бор иштирок этмоқдамиз, – дейди Хитойнинг «Shenzhen Anke High-Tech» корпорацияси халқаро савдо департаменти директори Чжоу Венью. – Бугунги кунда компаниямиз йигирмадан зиёд турдаги маҳсулот ишлаб чиқармоқда. Ўзбекистон бозори гоят истиқболлидир. Бу ерда эркин ва муваффақиятли бизнес юритиш учун барча зарур омиллар мавжуд. Маҳсулотларимиз билан мамлакатимиз бозоридан кенг ўрин олиш, ўзаро савдо алоқаларини мустаҳкамлаш ниятидамиз.

Кўргазмалар доирасида ташкил этилган «Тиббиёт туризми» шўбасида «Health and Travel» (Ўзбекистон), «University Medical Center Freiburg» (Германия), «Acibadem Hospitals Group» (Туркия) каби қатор тиббиёт муассасалари соғломлаштириш хизматлари билан иштирок этмоқда.

Мамлакатимизда фармацевтика соҳасини ривожлантириш, аҳолини безарар ва самарали дори-дар-

Ёшларга оид давлат сиёсати – амалда

БИЛИМ ВА ТАЖРИБА – ҚЎШ ҚАНОТ

Пойтахтимиздаги Ёшлар ижод саройида Ўзбекистон Республикаси Маданият ва спорт ишлари вазирлиги, Тошкентдаги Гёте институти, «OXUS Culture» масъулияти чекланган жамияти ҳамкорлигида ёшлар ўртасида оммавий тадбирларни ташкил этиш ва ўтказиш усулларига бағишланган семинар-тренинг ташкил этилди.

Тадбирда Маданият ва спорт ишлари вазирлиги тизимидаги таъкилотларда фаолият юритаётган «Ёшлар клуби» аъзолари ҳамда ижодкор ёшлар билан ишловчи мутахассислар иштирок этди.

Президентимиз Ислам Каримов раҳнамолигида ёшларнинг ҳаётий муҳим масалаларини ҳал этишга қаратилган давлат сиёсати амалга оширилмоқда. Бунинг самарасида улар замонавий билим ва касб-хунарларни пухта эгаллаб, ҳаётда ўз ўрнини топтомоқда. Иқтидорли йигит-қизларнинг орзу-интилишлари юзга чиқмоқда.

Маданият ва спорт ишлари вазирлиги тизимидаги таъкилотларда фаолият юритаётган «Ёшлар клуби» ёш авлодининг бўш вақтини мазмунли ташкил этишда муҳим ўрин тутмоқда. Ташаббускор йигит-қизларнинг гоя ва тақлифлари асосида қатор лойиҳалар, оммавий тадбирлар, фестиваллар, танлов ва мусобақалар ташкил этилаётди. Энг муҳими, клуб аъзоларининг ижтимоий фаоллиги янада ошиб, қалбларида Ватан тақдирига дахлдорлик туйғуси юксалиб бормоқда.

Бугунги мураккаб давр ёшларнинг ижтимоий фаоллигини ошириш, билим ва маънавий дунёсини юксалтиришга қаратилган таълим-тарбия, тарғибот-ташвиқот ишларини доимий, тизимли, самарали ва таъсирчан тарзда, янги, илғор усуллари қўлланган ҳолда, замон руҳига ҳамоҳанг равишда ташкил этишни талаб этмоқда, – дейди вазирликнинг ижодкор ёшлар билан ишлаш бошқармаси бошлиғи Жамолiddин Узоқов. – Ёшлар ўртасида оммавий тадбирларни ташкил

этиш ва ўтказишни такомиллаштириш усулларига бағишланган мажмура семинар-тренинг бу борада аниқ мудоао бўлди.

Семинар-тренинг давомида иштирокчилар маданият ва спорт соҳасида юқори малакали кадрлар захирасини тайёрлаш, ҳудудий бошқармаларда ижодкор ёшлар билан ишловчи мутахассислар ва «Ёшлар клуби» аъзоларининг ўзаро ҳамкорлиги, профессионал мулоқоти учун шароит яратиш, оммавий тадбирларни ташкил этиш ва ўтказиш даражасини юксалтириш, тадбирларни молиявий режалаштириш, маданий менежмент турларини ўрганиш ва фаолиятга жорий этишга қаратилган машғулотларда қатнашди.

Семинар-тренингда замонавий оммавий тадбирлар, шоу-дастурлар, акциялар, танлов ва фестиваллар, театрлаштирилган концерт дастурлари, спорт мусобақаларини ташкил этиш ва ўтказиш бўйича зарур билим ва тажрибага эга бўлди, – дейди Тошкент вилояти Ўрта Чирчиқ тумани маданият ва спорт ишлари бўлимининг хаваскорлик жамоалари ва тўғрақлар бўйича мутахассиси Шаҳло Хотамова. – Шу билан бирга, янги оммавий лойиҳалар ишлаб чиқиш, ҳамкор ва манфаатдор ташкилотлар билан мулоқот қилиш, оммавий ахборот воситалари билан самарали ҳамкорлик ўрнатилиш борасида зарур тавсиялар олди. Бу ерда орттирган билимларимиз, тўплаган тажрибамиз кейинги фаолиятимизда бизга фойдаси тегишига ишонаман.

Дилшод КАРИМОВ,
ЎЗА мухбири



ТАДБИРКОРЛИККА – КЕНГ ЙЎЛ

(Давоми. Боши 1-бетда)

Тоҳир Ғозиев ёғочдан маҳсулотлар, стол-стуллар ва ёдгорлик буюмларини ўймакорлик усулида ишлаб чиқаради. Ҳозирги кунда унинг маҳсулотларига қизиқиш катта. Т.Ғозиев кўрик-танловнинг туман босқичида «Йилнинг энг яхши хунарманди» дея эътироф этилди.

Шунингдек, «Йилнинг энг яхши тадбиркори» деб Олмасор туманидан «ECO DRIO LUX» масъулияти чекланган жамияти раҳбари Акмал Аҳмедов, Сергели туманидан эса «Lok-bo'yoq servis» масъулияти чекланган жамияти раҳбари Шухрат Негматовлар, «Йилнинг энг яхши хунарманди» номинациясига эса Олмасор туманидан Мираббос Сағдуллаев, Сергели туманидан Шодиёна Турдалиевалар биринчи ўринни эгалладилар.

Танловнинг шаҳар босқичига чиқишни мақсад қилиб келган эдим, мана

ниятимда етдим, – дейди Сергели туманидан «Энг яхши хунарманд» номига сазовор бўлган Шодиёна Турдалиева. – Кейинги йилларда давлатимиз раҳбари ва ҳукуматимиз томонидан миллий хунармандчилигимиз ривожига катта эътибор қаратилмоқда. Мана бундай тадбирлар хунармандларнинг ўз истеъдодини намойиш этиш билан бирга ушбу соҳанинг ривожига ҳисса қўшишида муҳим омил бўлаётди.

Танловнинг туман босқичларида шунингдек, яна бир қатор номинациялар бўйича ҳам ғолиблар аниқланиб, таъкилотчилар томонидан уларга диплом ва қимматбаҳо эсдалик совғалари топширилди.

Биринчи ўринни эгаллаган тадбиркор ва хунармандлар танловнинг шаҳар босқичига йўлланма олдилар.

Абдуалим САЛИМОВ,
Қамолiddин ХАМДАМОВ
Қозим Ўлмасов олган суратлар

КЎЧМАС МУЛК ОБЪЕКТЛАРИ БЎЙИЧА

Солиқ кодексига
киритилган ўзгаришлар

Ўзбекистон Республикасининг
2014 йил 4 декабрдаги «Солиқ
ва бюджет сиёсатининг
2015 йилга мўлжалланган
асосий йўналишлари қабул
қилинганлиги муносабати
билан Ўзбекистон
Республикасининг айрим қонун
ҳужжатларига ўзгартиш ва
қўшимчалар киритиш
тўғрисида»ги Қонунига
мувофиқ кўчмас мулк
объектлари бўйича Солиқ
кодексининг 79, 81 ва 271-
моддаларига ўзгартириш ва
қўшимчалар киритилди.

Хусусан, Солиқ кодексининг 79-моддасига кўра, солиқ тўловчида у ҳисобга қўйилганидан кейин ер солиғи, мол-мулк солиғи ёки сув ресурсларидан фойдаланганлик учун солиқ тўлаш бўйича солиқ мажбурияти ҳисобга қўйилган жойдан ташқарида юзага келган тақдирда, солиқ тўловчи солиқ солиш объекти жойлашган ердаги давлат солиқ хизмати органида объект бўйича ҳисобга қўйилиши керак.

Солиқ тўловчини объектлар бўйича ҳисобга қўйиш тартиби Солиқ кодексининг 81-моддасида назарда тутилган. Унга кўра ҳисобга қўйилмаган жойдаги ер солиғини, мол-мулк солиғини ёки сув ресурсларидан фойдаланганлик учун солиқни тўлаш мажбурияти юзага келган солиқ тўловчи тегишли ер участкасига бўлган ҳуқуқ давлат рўйхатидан ўтказилган кундан эътиборан ёхуд мол-мулк солиғи ёки сув ресурсларидан фойдаланганлик учун солиқ солиш объекти вужудга келган кундан эътиборан ўн кун ичида солиқ солиш объектларини улар жойлашган ерда ҳисобга қўйиш учун давлат солиқ хизмати органларига қонун ҳужжатларида белгиланган тартибда мурожаат этиши керак.

Солиқ кодексининг 271-моддасига мувофиқ, юридик шахсларнинг мол-мулкига солинадиган солиқнинг ҳисоб-китоби солиқ бўйича ҳисобга олиш жойидаги давлат солиқ хизмати органига йилда бир марта, йиллик молиявий ҳисобот топширилаётган муддатда тақдим этилади. Агар кўчмас мулк солиқ тўловчининг солиқ бўйича ҳисобга олиш жойида жойлашмаган бўлса, ҳисоб-китоб кўчмас мулк жойлашган ердаги давлат солиқ хизмати органларига тақдим этилади.

Солиқ тўловчилар солиқ даври мобайнида юридик шахсларнинг мол-мулкига солинадиган солиқ бўйича жорий тўловларни тўлайди. Юридик шахсларнинг мол-мулкига солинадиган солиқнинг ҳисоб-китоби солиқ бўйича ҳисобга олиш жойидаги давлат солиқ хизмати органига йилда бир марта, йиллик молиявий ҳисобот топширилаётган муддатда тақдим этилади. Агар кўчмас мулк солиқ тўловчининг солиқ бўйича ҳисобга олиш жойида жойлашмаган бўлса, ҳисоб-китоб кўчмас мулк жойлашган ердаги давлат солиқ хизмати органларига тақдим этилади. Солиқ даври мобайнида солиқ тўловчилар юридик шахсларнинг мол-мулкига солинадиган солиқ бўйича жорий тўловлар тўлайдилар.

Жорий тўловлар миқдорини ҳисоблаб чиқариш учун солиқ тўловчилар жорий солиқ даврининг 10 январига, янги ташкил қилинганлари эса давлат рўйхатидан ўтказилган санадан эътиборан ўттиз кундан кечиктирмай, давлат солиқ хизмати органларига мўлжалланаётган солиқ солинадиган базадан (тегишли йил учун мол-мулкнинг ўртача йиллик қолдиқ қийматидан (ўртача йиллик қийматидан) ва белгиланган ставкадан келиб чиққан ҳолда ҳисобланган жорий солиқ даври учун юридик шахсларнинг мол-мулкига солинадиган солиқ суммаси тўғрисидаги маълумотномани солиқ мажбурияти юзага келган санадан эътиборан ўттиз кундан кечиктирмай тақдим этадилар.

Юнусжон НАСИМДЖАНОВ,
Тошкент шаҳар Давлат солиқ
бошқармаси бошлиғи ўринбосари

Гулчехра ДУРДИЕВА

Тўртинчи босқич: викторина давом этади!

«СИЗ ТОШКЕНТНИ БИЛАСИЗМИ?»



Савол:

Метронинг Юнусобод йўналиши қачон ишга туширилди?

Юртимизда опера санъатига қизиқувчилар сони кун сайин ортиб бораётганлиги қувонарли ҳол. Албатта, бу соҳага қаратаётган катта эътибор, яратилаётган шароитлар ва тарғибот ишлари ўзининг ижобий самарасини бермоқда. Турли тадбирларда ҳушовоз опера хонандаларимизнинг чиқишлари, юртимизда ўтказилаётган республика ва халқаро миқёсдаги танловлар опера ихлосмандларининг сафини кенгайтирмоқда.

КОНСЕРВАТОРИЯДА ОПЕРА ОҚШОМИ

Опера ихлосмандлари орасида Женисбек Пиязовни танимаган киши бўлмаса керак. У ўзининг кучли овози ва ижро маҳорати билан кўплаб юртдошларимизнинг қалбидан жой олган ёш опера хонандасидир. У кундан кунга ўзбек опера санъатининг ёрқин юлдузига айланиб бормоқда. Қисқа вақт ичида кўплаб катта ютуқларга эришган Ж.Пиязовни нафақат юртдошларимиз, балки қатор чет элларда ҳам севиб тинглашади. Унинг опера санъатига бўлган муҳаббати, тинимсиз изланишлари ва меҳнатлари ўз самарасини берди. 2007 йилда «Нихол» мукофоти сазовор бўлган Ж.Пиязов бугунги кунга келиб Ўзбекистон ва Қорақалпоғистонда хизмат кўрсатган артист, кўпқўл халқаро танловлар ғолибига айланган. Ҳозирги кунда уни қатор чет элларда бўлиб ўтаётган кўплаб концерт ва танловларга тақлиф этишмоқда. Ўзининг аjoyиб ижроси билан Ж.Пиязов хорижий давлатларда Ўзбекистонимиз донгини таратиб, мухлислар орттириб келмоқда.

Куни кеча Ўзбекистон Давлат консерваториясининг катта залида Ж.Пиязовнинг яккахон концерт дастури бўлиб ўтди. Бу концерт опера ихлосмандлари учун аjoyиб совға бўлди десак муболага бўлмайди. Муҳташам консерваториянинг

катта зали мухлислар билан тўлди. Концертда жаҳон бастакорларидан Ж.Россини, Ж.Бизе, В.Моцарт, В.Беллини, Ш.Гунонинг операларидан ариялар ва ўзбек операларидан ариялар, халқ кўшиқлари ҳамда машҳур чет эл хонандаларининг репертуаридан кўшиқлар ижро этилди. Ҳар бир асарни маълум бир образда, ўзига хос тарзда маромига етказиб ижро этган Ж.Пиязов истеъдоди ва маҳоратини ёрқин намойён қилди. Концертга меҳмон сифатида Ўзбекистон ва Қорақалпоғистон халқ артисти Муяссар Раззоқованинг тақлиф этилган тингловчиларни янада қувонтирди. Устоз санъаткор, халқимиз суйган М.Раззоқованинг гўзал ижролари концертнинг янада жозибдор ўтишига сабаб бўлди. Концерт давомида Ж.Пиязов ва М.Раззоқова томонидан ижро этилган дуэт тингловчиларга жуда манзур бўлди.

Биз ўз навбатида Ж.Пиязовга улкан ижодий парвозлар ва муваффақиятлар тилаб, концерт дастурларини интизорлик билан кутиб қоламиз.

Дилрабо ҚУРБАНОВА,
Ўзбекистон Давлат консерваторияси қошидаги «Муסיқали театр студиясининг яккахон вокалисти

Ер юзида замбуруғларнинг 100000 дан ортиқ ботаник турлари мавжуд бўлиб, улардан 200 туригина истеъмол қилиш учун яроқлидир.

Ўзбекистон ҳудудида замбуруғларнинг 300 дан зиёд тури мавжуд. Бироқ шулардан 25 туригина истеъмол учун яроқли ҳисобланади. Ушбу замбуруғ турларини маҳаллий аҳоли «қўзиқоринлар» деб атади. Шунинг учун ҳам Ўзбекистоннинг ҳар қайси вилоятида, ҳар бир туманида қўзиқоринларнинг фақат айрим, муайян турларигина терилиб, улардан турли хилдаги тансиқ таомлар тайёрланади. Бу истеъмол учун яроқли қўзиқоринлар маъданли моддалар, оксил ҳамда «С» ва «В» гуруҳларига мансуб витаминларга жуда бойдир.

Бироқ республикамиз ҳудудида ўсадиган қўзиқоринларнинг 275 дан зиёда ботаник турлари заҳарли ҳисобланади. Уларни асло истеъмол қилиб бўлмайди. Бундай қўзиқорин турларини маҳаллий аҳоли ўз ибораси билан заҳарли ўсимлик — «қурбақанинг салласи» деб атади.

Бу турларга мансуб қўзиқоринлар таркибида гелвелли кислотаси, фаллотоксин, аммонитотоксин ва бошқа заҳарли моддалар мавжуд бўлиб, бундай қўзиқоринларга қанчалик ишлов берилмасин, улар таркибидаги заҳарли моддалар йўқолиб кетмайди. Улар қиздиришга жуда ҳам турғун, қайнатилганда зарарсизланмайди, оксиген таъсирида оксидланмайди ва ошқозон-ичак ферментлари таъсирида парчаланмайди. Оқибатда истеъмол қилган кишиларни заҳарланишга дучор қилади. Шундай ўткир заҳарли қўзиқорин турларидан бири «Лепиота» деб аталади. У шахримиз ҳудудидаги

Баҳор фаслида об-ҳавонинг нам келиши, ёғингарчиликлар туфайли замбуруғлар ўсиб, ривожланиши учун қулай шароитлар вужудга келади. Бу фаслда кўплаб замбуруғлар пайдо бўлади ҳамда ўсиб кўпаяди.

боғларда, қабристонларда, сайхон жойларда, дарахлар теварагида ва бошқа жойларда ҳам учраб туради. «Лепиота» барча қўзиқоринларга ўхшаб соябон шаклида ўсади, уни истеъмол қилган киши қаттиқ заҳарланади.

Мутахассис маслаҳати

ЗАҲАРЛИ ҚЎЗИҚОРИНДАН ЭҲТИЁТ БЎЛИНГ

Республикамизнинг баъзи жамоа хўжаликери ва ширкатларига махсус иссиқхоналарда истеъмол учун яроқли бўлган «Вешанка» ва «Шампиньон» қўзиқорин турларини етиштириш ва савдо қилиш учун рухсат берилган. Бу хўжалик ва ширкатларда етиштирилаётган қўзиқоринлар ва улардан тайёрланган консерва маҳсулотлари санитария-эпидемиология хизмати лабораторияларида таҳлил қилиниб, улар инсон соғлиги учун зарарсиз бўлган тақдирда ҳар бир маҳсулотлар учун гигиеник сертификат берилади. Ана шундай гигиеник сертификатга эга бўлган қўзиқорин ва ундан тайёрланган маҳсулотларни савдо шохоб-

Мустақил Ўзбекистонимиз танлаган ўз тараққиёт йўлидан дадил одимлаб, юксак марраларни эгалламоқда. Истиқлол йилларида Президентимиз раҳнамолигида мамлакатимизнинг барча ҳудудларида бўлгани каби, пойтахтимиз Тошкент шаҳрида ҳам улкан бунёдкорлик ишлари олиб борилди ва изчил давом эттирилмоқда. Барпо этилаётган маданий-маъмурий иншоотлар, турар жойлар, йўللار ва кўприklar, хибоблар, фавворалар, қайта таъмирланиб, янгича ҳусну тароват касб этган қадимий обидалар, қадамжолар гўзал ва бетакрор шахримиз кўрқига кўрк қўшмоқда.

Пойтахтимиз жамолини кундан кунга ояётган ободонлаштириш ва кўкаламзорлаштириш ишларининг катта ижтимоий ва тарбиявий аҳамиятини, кенг қўламли ўзгариш ва янгиланишлар энг буюк неъмат — Мустақиллик берган имкониятларнинг амалдаги самараси эканини, ватанпарварлик она юртни ўрганишдан бошланишини инобатга олиб, Тошкент шаҳар ҳокимлиги ва «Тошкент оқшоми» —

«Вечерний Ташкент» газеталари таҳририяти «Сиз Тошкентни биласизми?» викторинасини ўтказмоқда.

Викторинада барча газетхонлар, пойтахт аҳолиси ва меҳмонлар ёши ва маълумотидан қатъий назар, иштирок этишлари мумкин.

Газеталаримизда викторина саволлари эълон қилинади. Кўрсатилган манзилга энг аввал етган тўғри жавоб ғолиб саналади.

Ҳар ўнта саволдан кейин энг кўп тўғри жавоб йўллаган ғолиб аниқланади.

Ғолибларга қимматбаҳо совғалар топширилади.

Викторинанинг мулқ ғолиби Ўзбекистон Республикаси давлат мустақиллигининг 24 йиллиги арафасида аниқланади.

Викторина жавоблари «Тошкент оқшоми» — «Вечерний Ташкент» газеталари таҳририятига ёки gazeta-vto@umail.uz, info@tashkent.uz электрон манзилларига йўллагани лозим.

Мурожаат учун телефонлар:
233-29-33, 233-29-55, 233-45-84.

Спорт янгилклари

ҲАМЮРТИМИЗ ХАЛҚАРО ТУРНИР СОВРИНДОРИ

Ҳамюртимиз халқаро грассмейстер Жаҳонгир Воҳидов шахмат бўйича Англияда бўлиб ўтган «59th Southend Easter Congress» анъанавий халқаро турнирда иккинчи ўринни эгаллади.

Мусобақада ғолиблик учун Англия, Италия, Франция, Голландия, Ирландия, Шотландия, Венгрия, Польша, Германия, Россия, Литва каби давлатлардан 70 на-

фардан ортиқ кучли шахматчилар ғолиблик учун кураш олиб борди.

Спортчимиз англиялик Стефен Грегори, Джон Андерсон, Эдмунд Плейер,

Ричард Перт ва Амит Гхасилар устидан ғалабага эришиб, литвалик Гедиминас Саракаускас билан дуранг ўйнади ва 7 имкониятдан 5,5 очко жамғаргани ҳолда кумуш нишонга сазовор бўлди. Биринчи ўрин венгриялик шахматчи, халқаро грассмейстер Ференц Беркесга насиб этди.

Словениянинг Любляна шаҳрида ўтказилган Жаҳон чакирув кубогининг навбатдаги босқичида спорт гимнастикаси бўйича Ўзбекистон терма жамоаси аъзоси, 1992 йилги Олимпиада ўйинлари ғолиби Оксана Чусовитина биринчи ўринни эгаллади.

ОЛТИН МЕДАЛНИ ҚЎЛГА КИРИТДИ

39 ёшли спортчимиз таяниб сакраш баҳсларида 14,600 балл жамғариб, шохсупанинг энг юқори поғонасига кўтарилди. Мазкур мусобақаларда словениялик Тея

Белак (14,412) кумуш медалга сазовор бўлди. Голландиялик Ноэль ван Клавен (14,325) эса бронза медали билан тақдирланди.

Абдулазиз МУСАЕВ

2015 йил — Кексаларни эъзозлаш йили

ФАХРИЙЛАР УЧУН САЛОМАТЛИК КУНЛАРИ

Мамлакатимизда амалга оширилаётган ислохотлар жараёнида халқимизнинг кексаларни эъзозлаш, уларнинг бой ҳаётий тажрибасидан ёшлар тарбиясида оқилона фойдаланиш борасидаги эзгу қадриятлари янги маъно-мазмун билан бойиб бораётди.

Президентимиз Ислон Каримовнинг 2015 йил 26 мартдаги Умумхалқ байрами — Хотира ва қадрлаш кунига тайёргарлик кўриш ва уни ўтказиш тўғрисидаги фармойиши, «Кексаларни эъзозлаш йили» Давлат дастури доирасида бу борадаги ишлар кўлами янада кенгаймоқда.

Ўзбекистон Соғлиқни сақлаш вазирлиги томонидан фахрийларни чуқурлаштирилган тиббий кўрикдан ўтказиш, нурунийларнинг санатория-соғломлаштириш муассасаларида дам олиб, даволаниши учун зарур шароитларни яратишга қаратилган қатор лойиҳалар амалга оширилаётди.

Мамлакатимизда бошланган навбатдаги тиббий-ижтимоий акция ушбу тадбирларнинг давомидир. Бундан кўзланган мақсад уруш ва меҳнат fronti фахрийларини чуқурлаштирилган тиббий кўрикдан ўтказиш, уларнинг ихтисослаштирилган тиббиёт марказлари, клиникалар, илмий-тадқиқот муассасаларида даволаниши учун имкониятлар яратиш, нурунийларга уйда тиббий ёрдам кўрсатиш ишларини янада такомиллаштиришдир.

Пойтахтимизнинг Шайхонтохур туманидаги 47-оилавий поликлиникада ташкил этилган чуқурлаштирилган тиббий кўрикда мазкур муассаса шифокорларига кардиология, урология, офтальмология соҳаларига ихтисослашган илмий-амалий марказлар, Тошкент тиббиёт академияси, шаҳар клиникалари олим ва мутахассислари ақидан кўмак берди.

Оилавий поликлиника бош шифокори ўринбосари Нилуфар Қувноқованинг айтишича, ҳудудда истикомат қиладиган уруш ва меҳнат fronti фахрийлари ҳамда ёши улуг инсонлар босқичма-босқич тиббий кўрикдан ўтказилиб, улар хонадон, амбулатор, стационар шароитида соғломлаштирилмоқда. Етмиш беш нафар фахрийга Нурунийлар сихатгоҳи ва санаторияларга йўлланмалар берилди. Қарийб саксон нафар кексага хонадон шароитида тиббий ёрдам кўрсатилмоқда. Оила шифокорлари ва патронаж ҳамширалар нурунийларнинг аҳолидан доимий хабар олиб, ўз вақтида тиббий ёрдам кўрсатиб келаётди. Ушбу акция доирасида шифохонага чиқолмайдиган кексаларнинг уйда тиббий кўрик ташкил этилди.

Шифокорлар доимо ҳолимдан хабар олиб туради, — дейди «Бирлик» маҳалласида яшовчи Мансур ота Алиев. — Бугун ихтисослашган марказларнинг мутахассислари хонадонимга келиб, тиббий кўрикдан ўтказди. Бундай эътибор ва ғамхўрлик учун Президентимизга минг бор ташаккур.

Акция доирасида аҳоли ўртасида тиббий маданиятни янада юксалтириш, соғлом турмуш тарзини қарор топтириш, ёшларга соғлом оиланинг аҳамиятини, юқумли касалликларнинг олдини олиш бўйича тушунтириш ишлари олиб борилади. «Кексаларни эъзозлаш йили» Давлат дастурининг мақсад ва вазифалари, оналик ва болаликни муҳофаза қилиш борасидаги ишлар, эрта никоҳнинг салбий оқибатлари каби мавзуларда мулоқотлар ўтказилади.

Лойиҳа давомида фахрийларга ихтисослаштирилган тиббиёт марказлари, илмий-текшириш институтлари ва клиникалар ҳамда вилоят кўп тармоқли тиббиёт марказларида тиббий ёрдам кўрсатилиши, жойларда юқори маънавият мутахассислар томонидан кўргазмалар мураккаб жарроҳлик операциялари амалга оширилиши, ҳудудий тиббиёт муассасалари амалиётига етмишдан зиёд янги даволалар ва диагностика усуллари татбиқ этилиши кўзда тутилган.

Баҳор ХИДИРОВА,
ЎЗА муҳбири

ЎЗГИДРОМЕТ
ХАБАР ҚИЛАДИ

Тошкент шаҳрида 17-апрел кунини ҳаво ўзгаришларини об-ҳаво шароити туради, ёғингарчилик бўлмади. Шарқдан секунда 3-8 метр тезликда бир оз йиғилишига имкониёт эсади. Ҳарорат кечаси — 8-10, кундузи — 21-23 даража иссиқ бўлади.

Ўзгидрометнинг мониторинг хизмати маълумотига кўра, 17-апрелда Тошкент шаҳрида ҳаво муҳитида зарарли моддаларнинг тарқалиши йўқлиги тасдиқланган.

ТОШКЕНТ ОҚШОМИ

Манзилимиз: 100029,
Тошкент шаҳри,
Матбуотчилар кўчаси, 32

ТЕЛЕФОНЛАР:
Эълонлар: 233-28-95,
факс: (371) 233-29-55

2007 йил 19 январда Тошкент шаҳар
Матбуот ва ахборот бошқармасида
02-1-рақам билан рўйхатга олинган

Наشري етказиб бериш масалалари бўйича турар жойлардаги почта бўлимига ёки
«Тошкент почтабони»га — 233-74-05 телефонига мурожаат қилишингиз мумкин.
Газета таҳририят компьютер марказида терилди ва саҳифаланди.

МУАССИС: ТОШКЕНТ ШАҲАР
ҲОКИМЛИГИ



Бизнинг электрон манзил:
gazeta-vto@umail.uz
Буюртма Г- 355

Душанба, сешанба, chorshanba,
пайшанба ва жума кунлари чиқади
Нашр кўрсаткичи — 563

Ҳажми — 2 босма табоқ, офсет усулида босилади.
11431 нусхада босилди.
Қоғоз бичими А-2

Нашр учун масъул
Д. Исроилов

«Шарқ» нашриёт-матбаа акциядорлик
компанияси босмахонаси. Корхона
манзили: Буюк Турон кўчаси, 41-уй

Бош муҳаррир
Акмал АҚРОМОВ

Топшириш вақти: 13.00

Босишга топширилди: 14.00